



## Applausus Carmeli Francofurtensis.

**E**didit ante annos aliquot, Amplissimus, Admodum Reverendus & Eximius Dominus, Dn. ALBERTUS PREZ, Ss. Theologiæ & Canonum Doct. Proto-Notarius & Missionarius Apostolicus, Imperialis Ecclesiæ ad S. Bartholomæum Francofurti Canonicus Capitularis & Scholasticus, Civitatis Francofurtensis Pastor, quoddam non infimæ commendationis opusculum intitulatum: DECIMÆ MARIANÆ &c. illudque toti Provinciæ nostræ Carmelitarum Allemanniæ Inferioris honorificè dedicavit, proindeque eadem Provincia nostra in Comitibus Provincialibus Moguntia Anno 1720 congregata, per venerabile definitorium dicti Capituli Provincialis benefato Amplissimo Domino Authori cum appensione sigilli communis Provinciæ & subscriptione eorum, qui modò dictum Definitorium constituebant, decentes retulit gratias in scheda desuper expedita sequentis Tenoris:

Totum Capitulum Provinciale Ordinis Fratrum Bmæ Dei Genitricis, semperque Virginis MARIÆ de MONTE CARMELO, Provinciæ Germaniæ inferioris, in Carmelo Moguntino die 26 Aprilis Anno 1720 congregatum, condignas vigore presentium refert gratias, Amplissimo, Adm. Reverendo & Eximio Domino, Dn. ALBERTO PREZ, Ss. Theologiæ ac Canonum Doctori, Protonotario & Missionario Apostolico, Imperialis Ecclesiæ ad S. Bartholo-



maum Francofurti Canonico Capitulari, & Scholastico,  
 Civitatis Francofurtensis Pastori Catholico, Confratri no-  
 stro amantissimo, pro erudito opusculo *Decima Mariana in*  
*Agro Carmelitico collecta &c.* nuncupato, toti Provinciae no-  
 strae dicato, eundemque benefatum Confratrem nostrum  
 omnium & singulorum specialibus precibus ac devotioni-  
 bus recommendat, ut Deus T. Opt. Max. illum ipsum per  
 plura adhuc annorum lustra incolumem, vegetem ac valen-  
 tem pro Dei cultu & honore, pro fidei Orthodoxae incre-  
 mento & gloria, pro S. Ordinis nostri decore & bono, pro  
 suorum denique augmento meritorum conservare digne-  
 tur. In fidem haec per Venerabile Definitorium Capituli  
 Provincialis subscriptas & consueto Communitatis Provin-  
 ciae nostrae sigillo munitas dedimus in praefato Carmelo no-  
 stro Moguntino Anno & die supra specificatis.



- E. Arnoldus à S. Leonardo Ex Assistens Gene-  
 ralis & Exprov. Praeses Capituli mppr.*
- E. Bertholdus à S. Maria Prov. electus mppr.*
- E. Vitus à Matre. Dei Exprovincialis mppr.*
- E. Emmanuel à S. Georgio. Definitor mppr.*
- E. Crescens à S. Matthia Definitor mppr.*
- E. Gerardus à S. Ernesto Definitor mppr.*
- E. Angelus à Terra Sancta Definitor mppr.*
- E. Damascenus à Circumcisione Domini  
 Secretarius Capituli mppr.*

Cura



Cum verò altesatus Amplissimus Dominus ALBERTUS PREZ, denuo intendat edere, imò defacto sub prælo fidet novum opus Eucharisticum, intitulatum: FONS PATENS DOMUI DAVID &c. non potest non eidem sæpe laudato Domino Confratri nostro amantissimo ex corde gratulari atque applaudere Carmelus noster Francofurtensis, *Fontinalia* cum eodem decenter celebrando: quocirca Fons Fonti salutem dicit plurimam, *Fons Eliæ* in Monte Carmeli Francofurtensis, *Fonti Eucharistico* Amplissimi Domini Authoris, ambos hujuscemodi fontes cum submississima devotione derivando in *Fontem Speciosum*, unde & utrique id est Fonti Eliano ac Fontis Eucharistici Authori non semel suavis ac dulcis gratiarum unda promanavit: Proinde hujus Carmeli nostri Francofurtensis votû respectivè

*Ad REVERENDISSIMUM & CELSISSIMUM*

S. R. I. PRINCIPEM ac DOMINUM,

**DN. IOANNEM PHILIPPUM  
FRANCISCUM,**

EPISCOPUM HERBIPOLENSEM, FRANCLÆ ORIENTALIS DUCEM, Ecclesiarum Metropolitanæ Moguntinæ, & Imperialis ad S. Barthol. Francof. PRÆPOSITUM, operis PATRONUM, sicut & ad Amplissimum Dominum operis Authorem catenus perorat, quatenus Fons ille patens domui David, id est, sacrosancta Eucharistia fiat in eo *fons aquæ salientis in vitam æternam.* Joan. 4. Ita animitus exoptat die 5 Martii Anno 1723.

*devotus ac devotissimus*

**Carmelus Francofurtensis.**